



Na osnovu Odluka broj: 01-03-37531-1/24, 01-03-37539-1/24 i 01-03-37535-1/24 od 21.10.2024.godine, JP Elektroprivreda BiH d.d. Sarajevo Podružnica „Elektrodistribucija“, Sarajevo, objavljuje:

O G L A S

za zapošljavanje radnika i pripravnika

Zapošljavanje radnika na neodređeno vrijeme, uz obavezan probni rad u trajanju od 6 (šest) mjeseci, na slijedećim radnim mjestima:

1. Inženjer za pristup mreži rang 3 u Službi za pristup mreži, 1 izvršilac, mjesto rada Sarajevo

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju VII/VSS-2, elektrotehnika, energetika, odnosno završen I (prvi) i II (drugi) ciklus studija elektrotehnike, energetika za kandidate koji su visoko obrazovanje stekli po Bolonjskom sistemu studiranja
- najmanje 1(jednu) godinu radnog iskustva u struci nakon sticanja tražene stručne spreme
- da vladaju pasivnim zanjem jednog stranog jezika

Kratak opis poslova radnog mjesta: Analiza konzuma na području dijela podružnice, učestvovanje u praćenju gubitaka električne energije i predlaganju rješenja za smanjenje tehničkih gubitaka električne energije, učestvovanje u izradi projektnih zadataka i u izradi investicionih programa za pojedine objekte i područja, priprema podloga i učestvovanje u izradi idejnih rješenja razvoja elektroenergetske mreže, priprema složenijih rješenja elektroenergetskih i prethodnih saglasnosti do 20 kW i do 4 stambene jedinice, priprema rješenja elektroenergetskih i prethodnih saglasnosti preko 20 kW i preko 4 stambene jedinice, učestvovanje u rješavanju imovinsko pravnih odnosa, sačinjavanje predmjera i predračuna za potrebe investicija i usluga, rješavanje žalbi kupaca po pitanju izdatih energetske rješenja, analiziranje primjene postojećih tehničkih rješenja i opreme, analiziranje stanja elektroenergetske mreže i predlaganje mjera za poboljšanje istog

2..Tehničar za pristup mreži u Službi za pristup mreži, 1 izvršilac, mjesto rada Sarajevo

- da su državljani Bosne i Hercegovine,
- da posjeduju srednju stručnu spremu IV-SS, elektrotehnika, energetika
- da imaju najmanje 9 mjeseci radnog iskustva u struci nakon sticanja tražene stručne spreme.
- da posjeduju vozačku dozvolu B kategorije

Kratak opis poslova radnog mjesta:Vrši obradu zahtjeva za jednostavne elektroenergetske saglasnosti, za prethodne elektroenergetske saglasnosti i za prethodne elektroenergetske saglasnosti-stručno mišljenje na trasu lokaciju iza postavljanje instalacija CATV na stubove NN mreže, vrši prijem zahtjeva i kontrolu priložene dokumentacije za obradu elektroenergetskih saglasnosti, priprema i obrađuje prateću dokumentaciju za jednostavne elektroenergetske i prethodne elektroenergetske saglasnosti i izradu svih vrsta predračuna za priključenje novih objekata potrošača, razdvajanje postojećih kupaca, kao i izmjještanje elektrodistributivnih objekata

za koje nije nužno raditi projektnu dokumentaciju, vrši obradu zahtjeva za priključenje i isključenje potrošača/proizvođača, kao i prijave i odjave potrošača/proizvođača i izradu faktura za uplatu naknada za obradu zahtjeva, rješava žalbe kupaca po pitanju izdatih energetske rješenja, vrši pripremu dokumentacije potrebnu kod rješavanja imovinsko-pravnih odnosa i učestvuje u rješavanju imovinsko-pravnih odnosa.

3. Inženjer za mreže i postrojenja rang 3 u Službi za održavanje mreža i postrojenja, 1 izvršilac, mjesto rada Sarajevo

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju VII/VSS-1, elektotehnika, energetika, odnosno završen najmanje I (prvi) ciklus studija koji je vrednovan sa najmanje 180 ETC za kandidate koji su visoko obrazovanje stekli po Bolonjskom sistemu studiranja
- da imaju najmanje 1 (jednu) godinu radnog iskustva u struci nakon sticanja tražene stručne spreme
- da vladaju pasivnim znanjem jednog stranog jezika

Kratak opis poslova radnog mjesta: Organizovanje tehničke pripreme za poslove revizije, održavanja i remonta mreža i postrojenja, i učestvuje u njihovoj realizaciji, organizovanje i neposredno učestvovanje u izradi podloga za obavljanje radova na mrežama i postrojenjima, organizovanje i neposredno učestvuje u obradi radnih naloga, građevinskih knjiga i ostale obračunske dokumentacije vrši nadzor nad montažom opreme, učestvuje u internom tehničkom prijemu i odobrava puštanje u rad, u složenijim operativnim poslovima izravno vodi ekipe na terenu, vodi evidenciju baze tehničkih podataka o elektrodistributivnim objektima, analizira tehničku ispravnost mreža i postrojenja, vrši klasifikaciju po stepenu ispravnosti/oštećenosti i predlaže prioritete radova, organizuje dovodjenje parametara kvalitete električne energije u dozvoljene granice po pristiglim dopisima, obavijestima i uputama, organizuje rad na rasterećenju preopterećenih elektroenergetskih objekata po pristiglim dopisima, obavijestima i uputama i prati uklopno stanje elektrodistributivne mreže, vrši elektroenergetsku analizu i predlaže unapređenja uklopnih stanja, učestvuje u izradi analiza prekida, kvarova, izradi statistika pogona i prekida napajanja i poduzimanja sistemskih mjera za poboljšanja.

4. Elektromonter (IV-SS/III-KV) u Službi za održavanje mreža i postrojenja, 3 izvršioca, mjesto rada Sarajevo

Kandidati treba da ispunjavaju slijedeće uslove:

- da su državljani Bosne i Hercegovine,
- da posjeduju srednju stručnu spremu IV-SS/III-KV, elektrotehničar, energetika/elektromonter/ elektroenergetičar/električar/elektroinstalater/elektromehaničar,
- da imaju najmanje 6 mjeseci radnog iskustva u struci nakon sticanja tražene stručne spreme.

Kratak opis poslova radnog mjesta: Vršiti reviziju, održavanje i remont SN i NN mreža i postrojenja, vrši manipulacije na SN i NN mrežama i postrojenjima i brojilima po nalogu, uz prijem i davanje depeša, vrši ispitivanje, pronalazjenje, lokalizaciju i opravku kvarova na SN i NN mrežama i postrojenjima, vrši izgradnju i rekonstrukciju elektroenergetskih mreža, postrojenja i priključaka, vrši izgradnju i rekonstrukciju elektroenergetskih mreža, postrojenja i priključaka, učestvuje u otklanjanju havarija na distributivnoj mreži u i van radnog vremena, vrši pogonska mjerenja, vrši očitavanje i provjeru očitavanja brojila.

5. Elektromonter (IV-SS/III-KV) u Službi za planiranje i održavanje mjernih mjesta, 13 izvršilaca, mjesto rada Sarajevo

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju srednju stručnu spremu IV-SS/III-KV, elektrotehničar, energetika/elektromonter/ elektroenergetičar/električar/elektroinstalater/elektromehaničar,
- da imaju najmanje 6 mjeseci radnog iskustva u struci nakon sticanja tražene stručne spreme
- da posjeduju vozačku dozvolu B kategorije

Kratak opis poslova radnog mjesta: Vršiti ugradnju i zamjenu svih obračunskih mjernih uređaja za direktno mjerenje i učestvuje u ugradnji i kontroli mjernih uređaja za polu-indirektno i indirektno mjerenje, vrši kontrolu svih mjernih mjesta i izradu zapisnika o kontroli mjernih mjesta, zapisnika o zamjeni mjernih uređaja i uređaja za upravljanje tarifama, zapisnika o nedostacima na mjernim mjestima. Vršiti poslove logičke kontrole na terenu i otklanjanje nedostataka mjernih mjesta. Po dobivenoj prijavi o neovlaštenoj ili neregistriranoj potrošnji učestvuje u postupku utvrđivanja iste, vrši isključenje svakog korisnika koje vrši neovlašteno trošenje električne energije. Vršiti sačinjavanje zapisnika i ostale dokumentacije potrebne u dokazivanju neovlaštene i neregistrovane potrošnje električne energije, vrši isključenja/uključenja mjernih mjesta po nalogu za isključenje/uključenje i kada po vlastitoj procjeni postoji opasnost po ljudski život i imovinu, vrši očitavanje polu-indirektnih i indirektnih mjernih mjesta, a po potrebi vrši očitavanje i ostalih mjernih mjesta, vrši izgradnju i rekonstrukciju elektroenergetskih mreža, postrojenja i priključaka, vrši očitavanje i provjeru očitavanja brojala.

6. Elektromonter (IV-SS/III-KV) u Odjeljenju upravljanja i održavanje mreža i postrojenja, PJD Goražde, 2 izvršioca, mjesto rada Goražde

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju srednju stručnu spremu IV-SS/III-KV, elektrotehničar, energetika/elektromonter/ elektroenergetičar/električar/elektroinstalater/elektromehaničar,
- da imaju najmanje 6 mjeseci radnog iskustva u struci nakon sticanja tražene stručne spreme

Kratak opis poslova radnog mjesta: Vršiti ugradnju i zamjenu svih obračunskih mjernih uređaja za direktno mjerenje i učestvuje u ugradnji i kontroli mjernih uređaja za polu-indirektno i indirektno mjerenje, vrši kontrolu svih mjernih mjesta, neovlaštene i neregistrovane potrošnje električne energije i ostalih podataka vezanih za korisnika elektrodistributivnog Sistema i izradu zapisnika o kontroli mjernih mjesta, zapisnika o zamjeni mjernih uređaja i uređaja za upravljanje tarifama, zapisnika o nedostacima na mjernim mjestima, vrši poslove logičke kontrole na terenu i otklanjanje nedostataka mjernih mjesta, vrši isključenja/uključenja mjernih mjesta po nalogu za isključenje/uključenje i isključenje korisnika koje vrši neovlašteno trošenje električne energije i sačinjavanje zapisnika i ostale dokumentacije potrebne u dokazivanju neovlaštene i neregistrovane potrošnje električne energije, vrši očitavanje direktnih, polu-indirektnih i indirektnih mjernih mjesta, vrši izgradnju i rekonstrukciju elektroenergetskih mreža, postrojenja i priključaka.

7. Stručni saradnik za finansijske i računovodstvene poslove rang 3 u Službi za finansije i računovodstvo, 1 izvršilac, mjesto rada Sarajevo

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju VII/VSS-1, ekonomija, odnosno završen najmanje I (prvi) ciklus studija koji je vrednovan sa najmanje 180 ETC za kandidate koji su visoko obrazovanje stekli po Bolonjskom sistemu studiranja
- da imaju najmanje 1 (jednu) godinu radnog iskustva u struci nakon sticanja tražene stručne spreme
- da vladaju pasivnim znanjem jednog stranog jezika

Kratak opis poslova radnog mjesta: Vodi evidenciju korištenja obrtnih i drugih sredstava, vrši kontrolu dokumentacije u skladu sa propisima o PDV-u, organizuje i neposredno učestvuje u prijemu, kontroli i obradi dokumentacije za obračun plata i u obradi dokumentacije i isplati gotovinskim i žirnim putem, prati dospelje obaveza prema dobavljačima i vrši odgovarajuće novčane transakcije, vrši prijem, kontrolu i obradu faktura, vrši savjetovanje stanja konta u glavnoj knjizi, i računovodstvenu evidenciju investicija u toku u glavnoj knjizi i dugotrajne imovine u glavnoj knjizi, vrši knjiženje amortizacije na imovinu i ulaznih računa, organizuje i neposredno učestvuje u izradi periodičnih obračuna i završnog računa.

8. Referent nabavke u Službi za komercijalne poslove, 1 izvršilac, mjesto rada Sarajevo

Kandidati treba da ispunjavaju slijedeće uslove:

- da su državljani Bosne i Hercegovine, za sva radna mjesta
- da posjeduju srednju stručnu spremu IV-SS, tehničke/ekonomske struke
- da imaju najmanje 6 mjeseci radnog iskustva u struci nakon sticanja tražene stručne spreme
- da vladaju pasivnim znanjem jednog stranog jezika

Kratak opis poslova radnog mjesta: nabavka robe, radova i usluga, ispitivanje tržišta za potrebe nabavki, vođenje poslova nabavke putem objedinjavanja zahtjevnica i njihove realizacije, priprema odluka o pokretanju postupka nabavke i tenderske dokumentaciju i kompletiranje dokumentacije za potrebe nabavki. izrada zapisnika o ocjeni i odluke o okončanju postupaka i ugovore o završenim postupcima nabavke, učestovanju kvalitativnom i kvantitativnom prijemu roba, uspostavljanje eksterne narudžbe prema dobavljačima, prijem, obrada i kontrola ulazne i izlazne dokumentacije vezane za knjiženje i izradu faktura, praćenje realizacije sklopljenih ugovora i okvirnih sporazuma, priprema periodične izvještaje o funkcionisanju procesa nabavke sa fokusom na uočene probleme te definiše prijedloge za njihovo prevazilaženje.

Zapošljavanje pripravnika na određeno vrijeme, na period od 6 mjeseci, na radnom mjestu:

9. Elektromonter (III-KV/IV-SSS) u Služba za održavanje mreža i postrojenja, 7 izvršilaca, mjesto rada Sarajevo, na period od 6 (šest) mjeseci

Kandidati treba da ispunjavaju slijedeće uslove:

- da su državljani Bosne i Hercegovine, za sva radna mjesta
- da posjeduju srednju stručnu spremu III-KV/IV-SS, elektrotehničar, energetika/elektromonter/ elektroenergetičar/električar/elektroinstalater/elektromehaničar,

- da nemaju ostvareno radno iskustvo u struci u trajanju od 6 mjeseci ili više nakon sticanja tražene stručne spreme.

Kratak opis poslova radnog mjesta: Vršiti reviziju, održavanje i remont SN i NN mreža i postrojenja, Vršiti manipulacije na SN i NN mrežama i postrojenjima i brojlama po nalogu, uz prijem i davanje depeša, Vršiti ispitivanje, pronalaženje, lokalizaciju i opravku kvarova na SN i NN mrežama i postrojenjima, Vršiti izgradnju i rekonstrukciju elektroenergetskih mreža, postrojenja i priključaka, Vršiti preuzimanje materijala i opreme iz skladišta, Vodi evidenciju upravljanja mrežom za rad van radnog vremena

Kandidati su obavezni uz **potpisanu pismenu prijavu** na Oglas sa kraćom biografijom, adresom stanovanja i brojem telefona podnosioca prijave, te jasnom naznakom rednog broja i naziva radnog mjesta na koje se prijavljuju, dostaviti dokumentaciju kojom dokazuju ispunjavanje uslova zahtjevanih Oglasom i to:

- Uvjerenje o državljanstvu, ne starije od 6 mjeseci, za sva radna mjesta
- Prijavu mjesta prebivališta, ne stariju od 6 mjeseci, za sva radna mjesta
- Diplomom ili uvjerenje o diplomiranju, odnosno za kandidate koji su visoko obrazovanje stekli po Bolonjskom sistemu studiranja fakultetske diplome o završenom I (prvom) i II (drugom) ciklusu studija i dodatak diplomama, a u slučaju da fakultet nije završen u Bosni i Hercegovini, kandidat je dužan dostaviti dokaz o nostrifikaciji diplome, za radno mjesto pod rednim brojem 1.
- Diplomom o školskoj spremi i svjedočanstva o završenim razredima, za radna mjesta 2.,4.,5.,6.,8. i 9.
- Diplomom ili uvjerenje o diplomiranju, odnosno za kandidate koji su visoko obrazovanje stekli po Bolonjskom sistemu studiranja fakultetsku diplomom o završenom I (prvom) ciklusu studija i dodatak diploma, a u slučaju da fakultet nije završen u Bosni i Hercegovini, kandidat je dužan dostaviti dokaz o nostrifikaciji diplome, za radna mjesta pod rednim brojem 3. i 7.
- Potvrdu/Uvjerenje o radnom iskustvu u struci nakon sticanja tražene stručne spreme za sva radna mjesta, osim za radno mjesto pod rednim brojem 9.
- Ukoliko je datum sticanja stručne spreme stariji od 6 mjeseci kandidat je dužan dostaviti dokaz-izjavu datu pod materijalnom i krivičnom odgovornošću, ovjerenu od nadležnog općinskog organa uprave, da nema ostvareno radno iskustva u struci nakon sticanja tražene stručne spreme, za radno mjesto pod rednim brojem 9.
- Dokaz o poznavanju stranog jezika, za radna mjesta pod rednim brojem 1.,3., 7. i 8.
- Vozačku dozvolu B kategorije, za radna mjesta pod rednim brojem 2. i 5.

Kao dokaz o poznavanju stranog jezika, može poslužiti i dokument iz srednje škole ili fakulteta iz kojeg se može utvrditi da je kandidat imao predmet stranog jezika.

Potvrde ili uvjerenja poslodavca ili poslodavaca kod kojih je kandidat radio ili radi, moraju biti precizna i detaljna, odnosno iste treba da sadrže podatke o tome na kojim poslovima je kandidat radio, naziv radnog mjesta, koliko dugo je obavljao navedene poslove, opis poslova, jasno preciziran period radnog angažovanja na radnim zadacima, tako da se na osnovu ovih dokumenata može

utvrditi na kojim poslovima je kandidat radio i koliko dugo, odnosno, da posjeduje traženo radno iskustvo.

Dokumenti koji se neće prihvatiti kao valjan dokaz o traženoj vrsti radnog iskustva su: Radna knjižica – kojom se dokazuje samo radni staž, te ista ne može dokazati nijedan oblik radnog iskustva. Ugovori o radu, ugovori o obavljanju privremenih i povremenih poslova, ugovori o djelu, rješenja ili odluke o zasnivanju radnog odnosa – koji dokazuju samo početak radnog angažmana i naziv radnog mjesta, ne i kontinuitet istog. Sporazumi, rješenja ili odluke o prestanku radnog odnosa – koji dokazuju samo momenat prestanka radnog angažmana i sl.

Kandidati koji su demobilisani borci, članovi porodice šehida i poginulih boraca ili imaju status ratnih vojnih invalida ili su član porodice ratnih vojnih invalida prema propisima koji regulišu oblast boračko invalidske zaštite, dužni su dostaviti dokaz o ovom statusu.

Kandidati koji su nezaposleni treba da dostave potvrdu o toj činjenici izdatu od strane Zavoda za zapošljavanje.

Kandidati koji su ranije obavili pripravnički staž u Društvu ili su ranije radili u Društvu po osnovu ugovora o radu na određeno vrijeme u struci koja se traži za radno mjesto na koje se prijavljuju, dužni su dostaviti dokaz o toj činjenici (odgovarajuće Uvjerenje/Potvrdu).

U slučaju da se kandidat prijavljuje na više radnih mjesta oglašanih ovim Oglasom, dužan je podnijeti posebne prijave i uz svaku od prijava priložiti traženu dokumentaciju. Sva tražena dokumentacija, koju kandidati prilažu uz prijavu, dostavlja se u originalu ili ovjerenom kopiji, ovjerena kod nadležnog organa. Ukoliko se dokumentacija dostavi u ovjerenom kopiji može se od kandidata zahtijevati uvid u originalne dokumente.

Kandidati koji budu dostavili blagovremenu, urednu i potpunu prijavu i prema traženoj dokumentaciji budu ispunjavali uslove Oglasa biće pozvani na pismeni ispit, a samo oni kandidati koji budu imali najmanje 70% tačnih odgovora na pismenom ispitu stiču pravo da pristupe usmenom ispitu i biće pozvani na polaganje usmenog ispita, za radna mjesta pod rednim brojem 1., 3. i 7.

Kandidati koji budu dostavili blagovremenu, urednu i potpunu prijavu i prema traženoj dokumentaciji budu ispunjavali uslove Oglasa biće pozvani na usmeni ispit, za radna mjesta pod rednim brojem 2., 4., 5., 6., 8. i 9.

O mjestu i vremenu održavanja ispita kandidati će biti blagovremeno obaviješteni.

Neuredne (nepotpisane), nepotpune i neblagovremene prijave odbaciće se zaključkom.

Prijavljeni kandidati koji ne budu izabrani biće pismeno obaviješteni o ishodu Oglasa, a priložena dokumentacija neće se vraćati.

Kandidati koji budu izabrani, prije zaključivanja Ugovora o radu, biti će upućeni na ljekarski pregled kod nadležne zdravstvene ustanove, radi utvrđivanja zdravstvenog stanja i radne sposobnosti za obavljanje poslova radnog mjesta na koja budu izabrani.

Oglas ostaje otvoren 8 (osam) dana od dana objavljivanja u dnevnim novinama.

Svu traženu dokumentaciju dostaviti lično ili poštom na adresu: JP Elektroprivreda BiH d.d.- Sarajevo, Podružnica „Elektrodistribucija“, Sarajevo, Zmaja od Bosne br.49, Sarajevo (lično podnijete prijave na protokol se zaprimaju radnim danom ponedjeljak-petak u periodu od 07:30-15:30 sati), **u zatvorenoj koverti sa naznakom: Prijava na oglas Podružnice „Elektrodistribucija“, Sarajevo - „NE OTVARATI“ i napisanim imenom i prezimenom kandidata na koverti i nazivom radnog mjesta na koje se podnosi prijava.**